


竹齋詩集



朱竹垞太史原本

宋 袁 萬 頃

著



五言古詩

行役

宿霧鎖山樹落月掛林側  
崎嶇歷崗巒彷彿辨阡陌  
秋高風露寒道遠時序迫  
安得歸故園篝燈理書冊

武陽渡

一舟小如葉橫在波濤中  
紛々川上人欲渡愁北風  
有帆天際來漸近葭葦叢  
寄聲與問訊恐是陶朱公

宿佛頭壩

孤村三四家籬下盡禾黍  
主人慣入市能作市井語  
開窗對



竹山揖客治尊俎白雲忽在眼客淚墮如雨

羅溪橋

我來從西昌日日困塵土誰知羅溪橋淨若初過雨長松列  
左右清風奏宮羽薄暮舍籃輿扁舟渡溪去

別友

清宵月滿梁相思幾搔首不圖塵土中得共一尊酒人事好  
乘甚隨復而分手惟有管鮑心明明若箕斗

次許秀才韵二首

癡兒欲了事事竟莫之了崇朝弄朱墨校勘是與否徐觀雁  
鷺行大半落渠手敗羣雖已去考牧未有道  
拙工不量力自謂中了了高談蓋一座衆可已獨否斯須臨

斧斤汗背五兩手旁觀信善斲莫肯告以道

病中聞伯量相訪寄之二首

我屋修竹根身間境逾靜維摩本無心誰令示人病夕陽耿  
疎林影落莓苔徑佇立有所懷高人倘乘興  
高人在城郭應酬頗紛如憶我烟霞栖遺我一紙書雨餘牕  
戶涼蛩聲滿階除相過有成言何時命中車

次范光伯泛江韻

夫君陶阮徒俗子所不快屹然顏其中特立蓋甚介平生江  
湖樂欲去不得邁何當從君游漁釣寄吾解

螳運

知戰不能損檀氏所以止吾愧與敵槐將何固封疆及此閑



暇時相與積乃倉不須更他驚富國兵自強

次伯仁善利閣小室韻

山林吾所廬夜月但對影焉知江上人一日了萬境褰裳步  
崇臺有室妍且靜徘徊不能去坐見西山暝

見雪

兀冥當語誰餉我一簷雪吾廬本來靜得此更清絕遙憐北  
海上往往已盈尺齧人在否毋凌漢臣節

出門

出門復入門吾行竟安之携書北窻下翻閱聊自怡有懷千  
載人掩卷還歎歎采采首陽薇戀：商山芝一裘或終身欣  
然釣江湄斯人不可作斯道日湮微目前稻梁謀鳧雁方齊

飛青田寂無音歲晚將疇依慎勿出門去塵埃染人衣

菖蒲

康廬入吾懷十畝馳夢魂踵門者何人遺余以芳蓀歡然得  
其趣如對五老言幽姿出巖谷常帶冰雪痕塵容為一洗兩  
目不復昏忽思三峡流褰衣涉潺湲因仍一寸石浸潤九節  
根人言可扶老歲月湏其蕃茲理諒不誣吾將從綺園

宿田家竹亭

我家西山巔四壁皆此君竭來事奔馳日與茅葦親方思坡  
仙詩恐入俗士羣止我宿者誰此君滿其門頽然千百夫一  
見若故人夜深清風來好音夢中聞呼童啓北窻為渠添爐  
芬



送詩僧如師西游

向來詩壇上權奇聲籍、君雖後兩翁而已分半席主人龍門高宜有如此客橫行翰墨場往往一當百挾是今西游吐談取雙壁要須早歸來成就法王宅

從人覓墨梅

熏爐束詩魂茗枕驅睡思掩閉寂無營翰墨自娛戲山寒溪正清月淡雪初霽橫斜兩三枝見說可人意天機如骨中出手特餘事何時翦冰紈來對病居士

睡起

疾去得安臥寒宵不知長鄰雞忽聞聲曙光侵我床人生孰無營晨興固其常奈何以一身投之百憂場吾方休吾心與

世長相忘適逢希夷翁授我枕中方意行到華胥日昃猶徜徉回觀一世人擾、良可傷誰能從我游要須留春皇

讀邸報

紛：天下事翻覆良難期不知杳冥中主張者云誰工拙判兩途人謀豈容施得非欲平治機緘遂潛移目前三四公並用無一遺毋嫌滯一州民實邦之基向來番江頭親見國子師德行淵與騫千載如同時斯人使臨民兒不賴母慈人言致泰和須索登臯夔位崇澤斯均否則失所宜天乎倘人從何時可臻茲

次伯量贈別詩韻

我生既駕下且復寡見聞時時驚其愚姻黨賴有君自懶將



且疲不足張此軍君乃不我棄歡然與同羣願學如之何此  
志亦已勤正坐未知方所得不足云人生所好雜其力用是  
分詞章末技耳安能媿皇墳而况字書學兀兀纂說文曷若  
鞭吾心或有汗馬勲請益恨未能別君大江濱長吟昌黎詩  
安得身登雲

老農歎

霜耕冰在趾雨種泥沒膝旱魃忽為虐畊種謾勞力去年幸  
一稔今歲免艱食細聽老農語令我三嘆息但願從此去龍  
骨長掛壁大田多黍稌高廩若山積或云穀大豐則恐錢鎊  
番夏租星火急處此未有策細民一錢稅往往亦追索穀賤  
反傷農此語傳自昔語客且勿憂新絲尚堪質

送范光伯北行

元冥將歸休勾芒已促裝江邊疎柳青江上寒梅香有客當  
此時中流駕風檣欲學太史公窮汶泗沅湘吾聞帝王州雄  
麗幾錢唐疇昔駐六龍至今繪未央鷺洲橫渺瀰鳳臺摩青  
蒼名山與大川往往逢相望是間或小留不妨月徜徉平生  
學屠龍袖手五字章茲逢賢主人定知奏宮商追李逐杜陵  
相與升其堂要令千萬篇金薤垂琳琅秋風鴻雁來因之東  
南翔寫君磊落骨慰我離別場

安樂窩示元德弟二首

往時病僧寮今為安樂窩昔病而今安所得良已多百年直  
須臾一邱且娑娑倦翼栖茂林潛鱗渺重波方欣隨所願豈



復知其他朝來啓南牕羣山鬱嗟峨上有無心雲乘風遠相  
過却觀聲利場紛紛正橫戈到頭蠻與觸勝負能幾何曷若  
休吾心考槃依澗阿孟夏艸木繁雨餘氣清和四壁環斷碑  
經史星宿羅幅中據胡床翛然自吟哦因之成此詩要使兒  
童歌

清泉出石竇白雲臥山窩淋淫乍開霽原野歡聲多吾峰近  
西峯其下林婆婆解衣坐磐石持竿釣清波主人忘機心鷗  
鳥亦無他東魯與南郭泰山等莪莪周子何人哉自許不啻  
過一朝離艸堂山英遂橫戈折轅不得還如此俗駕何仰視  
前修翁鉛刀比太阿余弟山林人心平氣自和歡然樂簞瓢  
笑彼羶葷羅好書不厭觀佳句時一哦煩賡紫芝曲為我醉

時歌

題余仲祥松齋

芳妍桃李場紛趨歛成蹊長松坐偃蹇遂爾不見知平生異  
時人不與俗轉移蕭然塵埃中擅此邱壑竒牕室境逾清四  
壁風來吹挹琴揖蒼髯喜氣掀兩眉臭味既與同相親不相  
違直期閱歲寒可但忘調飢斯正如乃翁過處更過之直比  
千尺幹歷落不受羈只恐大厦成梁棟各有施出處初何心  
山靈勿渠疑



竹齋詩集

宋 裘 萬 頃 著

七言古詩

夜坐薦福寺次王成之韻

鞭鷺未暇相追逐且向祇園止君宿清談待得月華生  
窻戶明明耿殘燭誰令泉石墮吾前洗盡人間絲與竹  
風帆明發君不留此樂只應吾所獨

厭原山中曉行

碧雞夜半聲啁啾喚起幽人步林樾秋高風露着羣木  
無數寒花泣明月松篁一徑宛如畫石溜涓涓更清絕  
山巔便好結茅廬莫待他年鬢成雪



秋試示諸兒

漠漠輕雲弄寒影，霏霏小雨生秋興。  
黃槐開盡舉子心，丹桂喜傳仙籍信。  
竹齋雙手縮袖間，坐看羣兒鏖一戰。  
春風躍馬不為難，此去毋言日邊遠。

十二月大雨

一冬都無五日寒，赤日杲杲后土乾。  
水官丐歸帝弗語，詰朝不雨吾戮汝。  
斯須便放大瓢傾，一洗萬里塵埃清。  
不妨更作尺深雪，桑榆之功尚堪說。

燈下偶次前韻

北風吹雨夜正寒，北憲吟詩舌欲乾。  
千辛萬苦浪如許，飯顆山頭誰著汝。  
何如一尊隨意傾，酒酣不問濁與清。  
明朝縱有

三尺雪霸陵詩句無庸說

贈拂雲主人

十年作計須種木，一日不可使無竹。  
道人于此得三昧，綠霧中間着蒼玉。  
拂雲誰為名其居，我亦心同雲卷舒。  
相期直覓飛霞佩，不用重拈種樹書。

次余主簿仲庸梅韻

春醪欲冰木欲折，急雨風吹不成雪。  
玉妃夜墮廣寒宮，開作寒花賽清絕。  
未須千樹種山巔，且要幾枝橫水邊。  
暗香疎影尚無恙，憑誰喚西湖仙。  
不妨琢句更馳送，一洗十年塵土夢。  
鐵生原不為渠回，眼前珠璣聊簸弄。



竹齋詩集

宋 裘 萬 頃 著

五言律詩

雨後

秋事雨已畢秋容晴為妍  
新香浮擲楹餘潤益潺湲  
穰行蛩聲裏鋤犁鷺影邊  
吾生一何幸田里又豐年

涼風

涼風幾時動日暮已秋聲  
稍、月華白紛、林影清  
余懷元不惡世事巧相撓  
所願西成後邊頭息戍兵

用鄭浮梁韻簡園師

杖屨出溪窄鐘魚佛界深  
寒梅殘屋角春齋老牆陰  
一水元



無恙扁舟尚可尋  
煩師掬清溜為我洗塵心

又

古寺規模壯空山歲月深  
春排千樹綠雲墮一溪陰  
地僻人稀到官間我得尋  
歸來說清賞未覺負初心

次黃存之韻

客宦何時了官居又歲餘  
歸心五湖夢病眼一牀書  
近作君能富新功我畧無  
不妨賦游獵會有薦相如

賜谷偶成

愛日祛愁霧微和散積陰  
一窻塵外趣萬竹歲寒心  
士要崇清節吾將老故林  
抱琴聊一醉何用覓知音

書率更西林碑

苒：老將至區：心已疲  
文章非世用字畫謾兒嬉  
廬阜多名刹隋人有斷碑  
驪黃雖已辨堂奧未容窺

歲晚送館人歸省

不厭冰霜路衝寒辨一歸  
晨雞戒鞍馬春酒壽庭闈  
燈火知辛苦雲霄會奮飛  
相期紆綠綬非但戲斑衣

別敬叔

筆硯君無間冰霜歲又除  
諸生得模範六藝共耕鋤  
松菊淵明宅蓬蒿仲蔚居  
相望倘相憶時寄數行書

贈畫工

絲筆三生夢春蓮萬葉花  
笑人為市道隨分足生涯  
山路淨如水溪流淺見沙  
能來良不惡看我傲烟霞



次胡伯仁韻

山長飛鳥急江濶去帆微唱晚幾漁笛憑高一釣磯從君濯  
水雪滿袖得珠璣三嘆不能已歸來吟夕暉

書晁文元道院集

華屋金狝座雕鞍駟馬車才堪誇世俗早已落邱墟此病久  
沈痼無人解埽除千年子晁子道院有遺書

送范二丈入藍田書院二首

今代崔斯立才高不負丞君方為重客人謂得良朋欲提朝  
千字辛勤夜一燈明年冠秋試萬里看飛騰  
君在淳熙日常師陸監丞今為後死者樂有遠來朋此道未  
墜地他時要續燈病夫力不足拱立看騫騰

夜坐再用前韻二首

洪井今真隱長沙昔謾丞餘生付巖壑拙宦愧交朋飯菜渾  
忘肉囊螢足代燈詩來夜將半雲際月騰騰  
家有輞川集人如玉右丞琴書多暇日觴詠盡高朋擬脫雲  
山屐來分疾案燈新詩要傳寫病眼任膏騰

送胡仲立入京

昔對延英日諸公嘆勿如敢言天下事不負案頭書此去朝  
雙闕懸知有異除榮途方着脚未用曳長裾

次施真人韻

素鞵方多難丹砂倘一逢勿疑蕉覆鹿會見竹成龍澗水遠  
仍潔巖花幽更濃行、望仙宇知在最高峰



偶成

松徑煩風掃柴門為雨局行携道院集坐對敬齋銘好事心  
常記閒談耳不聽觀空為時誤無異醉初醒

老屋

老屋久歌側隨宜聊拄撐吾今且共住緣盡會願行雨打從  
教壞風搖不用驚世間虛幻相聚散本無情

留淺沙

故山豈不好蕭寺亦堪居作意多成礙無心始自如鐘魚飽  
香積枕簟熟華胥但惜詩成後傍無阿買書

寄題喻高士澹軒

世事邯鄲枕生涯老子書能知澹中味雅稱竹間居石徑排

雲入霜根帶月鋤紛華不到眼贏得玩清虛

晚步

日落欲閉戶風清聊杖藜千山猶帶雨一徑已無泥漉漉水  
聲急悠悠雲影低催歸緣底事着意傍人啼

滎姪試周

汝生方滿歲伯髮已星星桑苧甘投老蘭蓀喜向榮席間無  
一印帷下有諸經莫學魚兒戲來年快聚螢



竹齋詩集

宋 袁 萬 頃 著

七言律詩

題洪內翰爽樹

霧閣雲窻天外安，懸知幽趣勝人間。  
簾櫳夜月浮銀海，桃李春風醉玉山。  
自咲紅塵無暇日，浪憑清夢覓商顏。  
何如飛佩隨君後，細看匡廬紫翠髯。

次元德弟示從龍入學

生兒雖小莫憐渠，學問工夫在謹初。  
今日從師良不惡，他年閉戶及成疎。  
雙親未老身無事，諸父能文家有書。  
好與汝兄俱努力，後生叢裏試羣居。



次洪內相菊亭

詩仙種菊未多時，因菊名亭早有詩。欲為寒花標晚節，故將新句寄東籬。平生未省翻三峡，高處那能贊一辭。便得從容侍公側，回頭已是十年遲。

次洪內相梅亭

人間多是梅開後，旋踵東籬事故常。那得紅簾捲朱戶，細看素質傲清霜。一生寄興雲山外，幾度搔頭江路傍。咫尺名園身未到，夜窗羞對返魂香。

夜坐

爐火篝燈孰與同，此心吾欲付冥鴻。茅簷已作涉旬雨，蕙帳不禁連夜風。一段清愁詩句裏，十分寒事酒杯中。溪雲未用

安排雪且聽梅花試小紅

雪

天花一夜洩春機，飛墮人間片。奇有色有光，欺柳絮無聲。無臭點梅枝，縱橫萬舞風。回處表裏雙清，月霽時此景。惟詩可摩寫，却憐老去不工詩。

寄高菊磻謝惠詩集

高名如斗夜垂天，無地追思每自憐。正欲為君尋五老，乃蒙因我到雙泉。新詩妙絕開方熟，稚子携歸喜欲顛。此去湖邊不多遠，秋風當覓釣漁船。

寄元齡弟

夜沐風雨夢到處，東湖西山如接連。安信喜隨烏鵲後，雅懷



知寄白鷗邊  
軒窗春動花陰滿  
圖史香浮墨色鮮  
箇裏詩書應有味  
不妨兼讀養生篇

次元德弟

寧逐春風上下狂  
懶從桃李借恩光  
只因朝市風波惡  
不似山林氣味長  
莫惜舉杯邀太白  
要看騎馬似知章  
南征他日如相憶  
詩句還須付草囊

玉山道中時赴掌故之命

麥苗堆綠菜花黃  
一簇人家古道傍  
酒熟不妨邊里巷  
年豐贏得事農桑  
世情只說官遊好  
客裏那知歸興長  
我有平生蓑笠在  
釣絲何日理斜陽

端午上饒道中

一春留滯在京華  
午日依前未到家  
細葛香羅素無望  
黃塵烏帽不堪嗟  
爭舟野渡人如簇  
立馬郵亭日欲斜  
遙想墳窳獻親壽  
絲衣羅拜酌流霞

臨安別余求之

長安車蓋喜如雲  
邂逅惟君是故人  
風月滿懷情灑落  
珠璣撒紙句清新  
携來客裏一尊酒  
洗盡湖邊十里塵  
富貴功名丈夫事  
別離無用淚沾巾

鄉人羅朝宗與兵部尚書京公有舊將往見之遇余於

樂平因餞別

四時成歲秋云暮  
九天肅霜天漸寒  
有客褰裳涉都水  
逢人劇口話長安  
懸知欲聽星辰履  
厭見從前首宿盤  
姑舉一觴



餞行色無魚長缺切休彈

暘谷偶成

竹近頗欣衣袂爽苔深常恐履痕侵夜燈四壁圖書影曉日  
一床花木陰載酒只今誰好事絕絳從昔為知音區區外物  
誠何用慎勿緣渠愁此心

入京道中風雨因賦此遂退休

新築書堂壁未乾馬蹄催我上長安兒時只道為官好老去  
方知行路難千里関山千里念一番風雨一番寒何如靜坐  
茅齋下翠竹蒼梧仔細看

閑居

閑居最與性相便勤即翻書懶即眠終日閉門真省事有時

面壁似耽禪大椿歲籥祈親壽斷簡生涯聽子傳待問洪崖  
覓丹訣白雲深處引寒泉

松花開竹筍茂喜而咏之

繁花密筍暮春時粒點園林一段奇金粉生香風細、斑衣  
留潤露滋、品高宜入神仙藥勁節終含冰雪姿笑彼杏桃  
兒女態謾爭艷冶媚山岐

睡起書懷時諸公相勉再出

北窗終日廢書眠一枕清風值萬錢雲度茅簷輕冉、泉生  
石砌淨涓、不嫌雨脚花間注要聽秋聲屋外傳三徑初成  
吾欲老幕中何用泛紅蓮

有感時與李宏齋有約



去年今日西歸客，曝背茅簷又一冬。歲月催人雖迅速，簡編于我却從容。知名馬用詩千首，養病聊須酒一鍾。早晚杖藜脩水去，故人有約許相從。

用前韻謝伯量過訪山中

勝游千里笑談中，雪片梅花正仲冬。肯向席門尋孺子，更能艸具重茅容。春風頓覺生寒谷，夜榻惟愁聽曉鐘。半世坡梅門下客，乃今何幸此過從。

送胡仲衡

憶昔樵江一見君，喜君吃吃善談文。別來歲月今如許，書策功夫想得勤。近世起家多白屋，幾人馳志在青雲。稽齋已踏賢關路，更有諸孫策異勳。

喜范光伯相遇

章江東下幾灣洄，誰伴臞仙夜探梅。離別不禁詩社冷，遭逢莫放酒船回。水霜滿眼歲將換，花柳轉頭春又來。安得飛騰九霄外，鞭鸞管鳳日相陪。

懷范光伯再用前韻

梅邊流水碧洄洄，都把相思付折梅。十載不禁雙淚落，一尊期慰九腸回。鷺殘蝶夢鵲空，喜望斷馬蹄人不來。咫尺雲山尚如此，天涯聊解得追陪。

次光伯韻

行徑當年手自開，只今無處着莓苔。絕憐此地過從少，賴有高人時復來。籬下久霜猶有菊，水邊近臘正多梅。我云眷



三年別君莫匆匆一夕回

錢唐次孫教南韻

簿領歸來得泮宮一時滾、任諸公市朝競逐利名走草木  
誰為臭味同雲水不妨披宿霧蓬山正要挹清風塵埃不得  
從君後豈但他時愧兩翁

次朱震遠韻

芳池綠水自生肥上有軒牕隱翠微花竹嘗聞開小徑門闌  
今又啓重扉直須閭闔排雲去要看長安躍馬歸詞賦合魁  
天下士春光端不負劉輝

次王成之韻咏梅

誰遣冰魂照夕陽搖、一任北風涼眼前共有幾多蕊鼻觀

胡為如此香佳實會須歸列鼎孤標已自壓羣芳濡毫我欲  
從君賦未害生平鐵石腸

兀坐有感用前韻

忘言編簡倦三復適意絲桐聊再行已共白雲論久要更尋  
青鳥問長生按行苔石雲侵屨披拂松篁露濕纓此事洪崖  
知我舊歸欵端合與同盟

有感

政爾雙泉憶舊游柳江聞又有歸舟誰能不作千年調夢斷  
真成萬事休傾蓋向來情莫逆莫芻無計淚空流重雲已失  
鷗鷺影愁絕滄浪一白鷗

送張高安入京



青衫十載蟾宮客，黑綬三年鳳嶺頭。循吏聲名武陽令，故家風味富平侯。江邊休嘆雙鳧去，天上行看一網收。入造鸚鵡班，立仙仗莫忘回首碩沙鷗。

用黃子益韻二首

青青日日困塵沙，安用浮名與世誇。已過半生真似夢，未荒三徑且還家。恨無沉水紆香穗，喜有寒泉瀹茗花。袖却西歸遮日手，園林幽處看桑麻。睡起忻然思慮少，病餘猶覺應酬艱。招搖風月聊須竹，收拾雲烟幸有山。但要世緣隨手斷，莫憂詩債幾時還。追奔富貴非吾事，且占林泉一味閒。

寄劉擇之新居成

西風吹雁過吾廬，特地傳君一紙書。九載不論須舊事，萬金良喜得新居。春回院落花侵座，雨過池塘水遠除。我欲退之門下去，却愁無處覓金魚。

題懷秀堂

莫教滿地長莓苔，杖屨從今日日來。曲徑要隨松巷轉，柴門須對石橋開。牆頭花木因時種，案上圖書任意堆。幸有林泉可投老，忍將雙腳踏塵埃。

竹齋述事

夢魂驚斷渺難續，臥聽竹裏風泠泠。寒蛩爭鳴遶四壁，缺月半墮橫疎櫺。平生細字髮欲白，午夜短檠燈尚青。稻梁作計吾不願，學滄海鴻飛冥。



大雪次前韻五首

雨師風伯妙天機，幻出乾坤一段奇。  
曉對青山渾似畫，夜看黃卷可忘飢。  
金貂換酒非吾事，鐵甲屯邊正此時。  
失國殘胡應凍死，書生猶賦采薇詩。

天孫雲裏散支機，飛墮人間分外奇。  
勾引芳尊留客醉，栽培玉粒療民飢。  
幅巾籬落尋梅處，一舸江湖釣月時。  
妙處惟詩可摹寫，却憐老去不工詩。

誰扶天女下冰機，剪水成花片、奇影落池塘。  
波不動，寒侵鷗鷺色，皆飢縱橫。  
萬舞風回處，表裏雙清。月霽時浪戰，未能無寸鐵對人羞。  
誦醉翁詩。

伊人元不墮危機，踏凍衝寒正自奇。  
只怪飛花無處避，都忘

炊玉有時飢月明，剡水回舟夜歲暮。  
梁園作賦時一段風流，誰得似只今王謝却。能詩。

誰知天巧出元機，但怪飛瓊過眼奇。  
暝立風枝寒雀倦，愁吟冰谷曉猿飢。  
蘆花洲渚月明夜，柳絮池塘春暮時。  
此景人間不長有，寫真傳影正須詩。

題小桃源

半月池邊倚瘦藤，望仙臺上岸烏巾。  
塵埃一點不到地，花木四時長是春。  
載酒豈無好事者，爛柯應有着棋人。  
請君更種堯千樹，準擬漁郎來問津。

次伯仁善利閣

看經堂中鐘磬鳴，看經堂外水雲清。  
山連遠渚鳥飛急，風入



輕帆舟風去平煙樹不妨留夕照塵纓正欲濯寒泓憑誰為我  
問造物乞與少陵常眼明

挽霞溪高縣丞二首

少年挾策上金鑿三拜郎官鬚未斑不說知音在霄漢但知  
投老向雲山柳絲陰裏陶潛樂花錦香中潘岳閒逝者不堪  
人事異洪崖亭下水潺湲  
公家元在洪崖宅自是洪崖向上人嗜酒一生真簡淡風標  
八袞更精神紛々偶厭人間事去々歸尋洞裏春朱紱只今  
無覓處但餘佳句鎮長新

竹齋詩集

宋 裘 萬 頃 著

五言絕句

善利閣次伯仁所題趙子良畫四首

篴篥君鄉來分明記江樹想君詩成時夢作白鷗去

二

平生交游間吾憤羞屢岸區：稻梁謀君亦逐鴻雁

三

風簷手君詩心跡已清絕何當更長吟坐對澄江雪

四

扁舟兩漁翁清唱發日暮安得如鷓夷相與五湖去



錢吳長文司理用脩持賢業教無欠七字為韻  
脩

平生不量力妄意希前脩惜、雖無見奉、未敢休  
持

狂瀾湧如此砥柱其誰為天意必有在吾身姑自持  
賢

孝亭無恙時從游孰非賢歲寒萬木凋松柏始傑然  
業

聖賢去我遠何者名事業吾欲到彼岸須君借舟楫  
教

過從資直諒夫豈勢利交謂朋黨者誰仁人姑聽教

無

人生天地間離別安得無莫作兒女態相期烈丈夫  
欠

君姿正而剛名節非所欠臨歧贈一言惟有學不厭  
自警

俗塵易汚人霄次須自潔君看四明老水壺浸秋月  
題蘇希亮壁

石梁渡山澗上有秦人居歲寒不種桃汲泉灌佳蔬



竹齋詩集

宋 袁 萬 頃 著

六言絕句

兀坐有感

行  
息綿綿而不絕  
心了了以常明  
靜室我方燕坐  
傍人喚作修行



竹齋詩集

宋 袁 萬 頃 著

七言絕句

保福寺對橙菊有感

平生愛菊陶彭澤清夜移橙杜草堂千載詩魂招不得獨留  
風味在僧房

兀坐有感

意行曾到楚江占得雙泉第一寮窻戶邃深鐘磬遠客塵

都向 中銷

癸亥夜夢

丙夜清眠正熟時夢魂飛去拜丹墀小臣乍得披肝膽感慨



分明涕泗垂

次洪內相十月桃韻三首

千紅萬紫凋零盡安得枝頭數點紅疑是神人寫春色鎮長  
留影在屏風

舊日驪山宮殿中玉妃無數舞衫紅只應歸去蓬萊後夢作  
寒風笑北風

不須羯鼓促春工一樹霜邊取惹紅寄語元冥為收拾莫教  
人恨五更風

次洪內相雙竹韻三首

延平西龍幾年臥歛然化作寒枝雙春檜秋松皆敵國會須  
因壘一時降

嬋娟兩枝翠可掬絕勝白壁南金雙留與先生作椽筆詩壇  
八面受人降

管鮑交情真耐久夷齊意氣更無雙虛花滿眼風號怒一節  
青青終不降

薦福寺次許師咏竹

浮雲踪跡任西東翰墨場中且用工時對此君哦七字也勝  
癡坐辨幡風

次余仲庸松風閣韻十九首

飛花數點雨初歇啼鳥一聲春正長讀罷黃庭了無事旋安  
銀葉試爐香

古木陰、六月涼幽花藉、四時香絲桐清夜作三弄明月



入簾風拂牀

爛花陰覆短牆花開時候日偏長道人不被春勾引到處  
惟聞簷蔔香

不見詩仙何遜來春風幾度早梅開竹籬茅舍自清絕未用  
移根東閣栽

恰則梅邊春意萌困人天氣又清明爐熏茗椀北窗下臥聽  
綿蠻黃鳥聲

已著遺絰洗此心更尋流水濯吾纓襟絰自不涉溪邊路荇  
帶苔錢如許聲

霧閣雲窻先自幽水聲那更繞源流春深紅雨落桃徑畫水  
清風生茗甌

楊柳陰中啼杜鵑梧桐枝上噪元蟬篇章滿眼無人會贏得  
詩翁取意篇編

紛、眼底正爭馳我獨冥心絕五綦說与傍人俱不信故山  
惟有白雲知

爭春桃李太匆匆、隨手飄忽逐曉風冰雪不侵塵不汚可人  
惟有歲寒松

顏揚翰墨今誰解陶謝篇章古所無安得金丹換凡骨白頭  
深恐愧吾夫

平池春去水溶溶、人在笙歌一部中柳帶翻風羅帶綠荷花  
着雨錦衣紅

簷間新燕幾時來簷外間花往歲栽丹杏碧桃渾落盡綠陰



低處結青梅

淡月籠花：映窻好風吹竹：浮香夢回何處一聲笛人靜  
山幽天正涼

無所用心魚在沼居然生子燕成窠誰云春去花事歇萱州  
石榴情更多

為憐風雨趣春回故着秋花到處栽蘭菊從來感風味不妨  
環繞讀書齋

白雲殊不作俗態流水似更知人心溪邊濯足溪上坐樵唱  
一聲秋滿林

坡谷遺書那復有向來一帚抵千金誰知懸腕与臥筆如用  
大都留此心

俗書本作于湖樣野鷺家雞強自分王氏無人魯公歿只今  
何處覓雲仍

松齋秋吟

縞陽赫々轉秋陰便覺蕭然鬢影侵世事炎涼俄忽爾間來  
物理靜推尋

宿翠巖寺呈李宏齋僉判

匡廬勝處君曾到誰是淵明與遠公幸有和陶詩卷在好依  
蓮社此山中

同李僉判山行午飯野店簷外羣蜂盼々因成絕句  
脫略人間勢利場來尋泉石共徜徉飯餘小立茅簷外試問  
羣蜂有底忙



寄宋居士修叔求菴記

翠琰新刊照眼明  
流傳何日到柴荆  
從今不恨論交晚  
我以碑中有姓名

皖山紙帳送宋居士

剪裁不惜宋生先  
要護高人雪屋眠  
只恐鶴書催起去  
長留空帳北山巔

題書院壁間碑

天上真龍去不回  
世間凡馬漫爭馳  
少年氣習今猶在  
袖手時來省斷碑

日出

日出柴門尚懶開  
綠陰多處且徘徊  
槐花滿地無人掃  
半在

墻根印紫苔

早作四首

雨過長江浪拍城  
迢迢羲馭水中行  
舟人指點雲開處  
喜見青山一抹橫

井梧飛葉送秋聲  
籬菊緘香待晚晴  
半柄橫斜河欲沒  
數山青處亂鴉鳴

北窗清冷不成眠  
風遞蛩聲到枕邊  
試喚兒童捲疎箔  
一簷花影月娟娟

爐香清曉坐書帷  
竹擁藤牀日到遲  
自賦短章還自笑  
不知顏閔有何詩

冬日早作



黃昏月姊翦雲開  
夜半雷車載雨來  
晨起鈎簾望霄漢  
風花吹墮萬瓊瑰

午睡

午牕春日影悠悠  
一覺清眠萬事休  
堪笑邯鄲槐里夢  
癡兒到處不回頭

入京道中曝背

露濕芳桃午未乾  
花時全似麥秋寒  
征衫不敵東風力  
試上郵亭曝背看

即事二首

門前溪水欲平堤  
謾着漁竿淺處垂  
晴雨每關憂國念  
豐凶端欲問人知

春時耕種夏時耘  
七月農夫始食新  
此去田家常要雨  
元自不妨人

次伯仁過道傍田家韻

桃源千載鎖烟雲  
若輩安知古有秦  
恐是吳興沈東老  
一尊聊復醉詩人

秋

數聲牧笛日將晚  
一曲樵歌山更幽  
解帶盤桓小溪上  
坐看紅葉汎清流

久雨

園林清樾淨無塵  
池沼黃流去有聲  
不用飛花來點綴  
但須霽日為澄清



上元憶大梵明燈二首

經年不到豫章城  
燈火遙聞鼓吹聲  
却憶秋屏臺上寺  
絳紗青玉幾長明

突兀招提枕古城  
夜深鐘磬寂無聞  
坐馳燈火笙歌地  
知有何人一點明

秋日即事

斷雁聲邊小雨來  
菊花強半臥蒼苔  
乍寒天氣宜酒冷淡  
無心把酒杯

九日

籬落黃花尚自無  
白衣况未到吾廬  
莫令此日負佳節  
為展淵明采菊圖

松齋秋咏次黃存之韻七首

少年有策志平戎  
心事今來一老翁  
蜀客欵門茶未了  
防秋又說棗兒紅

西風黃葉埽空庭  
舞鶴翩跹墮雪翎  
一陣清風通鼻觀  
木犀亭下讀騷經

牽牛引蔓上東籬  
氣肅清商雨過時  
人意若隨天意好  
秋光又到菊花枝

閉門思古或傷今  
每有詩來默契心  
紙上不須評巧拙  
老夫只是靜中吟

閒中無辱只無榮  
案上圖書有課程  
靜對秋花香默々  
晚風休送亂蟬鳴



據梧杖策事紛紜  
樓上看山對晚曛  
縱是樓無山色遠  
只如小米畫煙雲

無事縈心畫掩扉  
松風度曲入琴徽  
登高老矣興猶在  
塞上秋風戰馬肥

次仲庸初冬即事二首

常歲霜天分外明  
一溪如練浸冰輪  
今年風雨寧無夜  
誰與溪梅作小春

君家秋實洞庭種  
小子持來獨未黃  
莫作蘓州書後夢  
只今正欠滿林霜

雪中戲元德元齡二弟二首

在昔梅花猶有賦  
如今冰柱亦無詩  
君衰不作池塘夢  
春艸

生時子合知

袖間出手不應遲  
柳絮漁蓑總是詩  
二妙得君真所喜  
一寒如我有誰知

再韻寄元齡弟二首

季也東歸何太遲  
伯兮西歸屢吟詩  
茅簷昨夜雪深尺  
人在蓬牕總不知

小舟閑已棹江湄  
照眼瓊瑤定有詩  
詩似其人入似雪  
只應清處恐人知

雪中再示德齡二弟三首

只道園林春未歸  
風前一夜柳花飛  
東皇自是繁華主  
不用元冥為玉妃



平生衰笠慣衝寒長憶江湖把釣竿昨夜北窗聞雪作夢魂  
飛到子陵灘  
青々牕外幾修篁也學宮梅巧樣粧說與惠連須着句雪邊  
春色到池塘

再用韻三首

亂飄窻戶重々積巧入簾櫳細々飛想見釣天張樂處瓊瑕  
艷列千妃  
蕙帳一冬無苦寒夢回長是日三竿那知今夜剡溪路月淡  
扁舟水滿灘  
鳳臺仙姊捲銀篁歸去瑤池試曉粧剩粉殘脂無處着化為  
風絮滿池塘

再用韻三首

無人低唱兩三卮一任瓊瑤滿眼飛羅幘暗塵應洗盡月明  
吾欲看江妃  
憶昔騎驢犯曉寒酒旗隨處認長竿灞陵物々皆詩句不用  
牽舩八節灘  
眼前修潔獨修篁屢倩東風洗曉妝學舞腰肢困珠玉可憐  
官柳在寒塘

再用韻三首

梨花月淡珠簾捲柳絮風輕粉蝶飛宮漏無聲窻欲曙霓裳  
催舞廣寒妃  
雪裏鷗盟元未寒小舟南浦著漁竿眼明似共月千里衣冷



欲迷雪一灘

疎梅元自映疎篁誰把瓊瑤特地妝雪後園林應更好却輸  
和靖在錢唐

次元德弟韻

跋扈飛揚使我驚鐵中雙鏃日錚々陳橋舊將今無用一任  
於菟繞屋行

余從元德弟借到西廊書齋朝夕其間今二年矣戲題  
作病僧寮且賦三絕

雖有圖書伴寂寥不妨題作病僧寮蒲團竹椅南窻下一炷  
爐香百念消

華髮蒼顏一病僧向來文史頗闕情只由世網無緣脫遂學

枯禪度此生

朝來寮外望西山正在雲煙縹緲間既與欲山為保社不妨  
身世似雲間

再用韻三首

病僧行脚歸來後萬事無心每閉寮日射竹窻風景亂煙凝  
香鼎篆紋消

歇趨朝市元無夢慣處山林似有情圓覺楞嚴俱不解維摩  
會下一書生

無心對客煨黃獸有意看雲傍白鷗終日區々弄文墨咲他  
齊已與高閑

寄元齡弟五首



餘生端合老吾廬心地全然與世疎安得數椽西嶺下自行  
汲水灌園蔬

莫怪窮年不入州載書前已會盟鷗市朝畢竟多塵事且傍  
溪山靜處留

俯仰之間又一年即科詔下天邊功名萬一來相逼試向  
榮途小着鞭

少年妄作功名想說着長安喜欲狂多病年來怕奔走却思  
雲壑置藤床

一室蕭然百事無崇朝趺坐對熏爐岫雲舒卷元無礙贏得  
從容養病軀

元齡弟寄悲秋四詩因次

不到青雲志未休近來何事却悲秋短檠雙目元無恙快讀  
詩書莫浪愁

圖書繞屋未為貧想見長吟日閉門西社諸公久寥落不知  
招得幾人魂

幸有生平古戰場不妨高臥到羲皇一朝冀北空凡馬須信  
驂騑道路長

支離病骨怯初寒眼前清愁更萬端勉和新詩寄鴻雁江城  
夜月覓君看

余既得烏石岡西望葛壇在雲霄中相去雖遠山勢不  
斷林木厯々可數異時乞靈仙翁不難矣喜而成詩

寄葛壇主人



東西知隔幾牛鳴山勢綿々若引繩待向岡邊結茅屋幅巾  
逢禮夜壇燈

寄張仲符時得烏石岡地二首

今人那似古人賢一鉢隨身日醉眠此老有靈應笑我區々  
常費買山錢

寸田尺地可長久此訣劉郎却未傳他日馭風蓬島去謾留  
陳蹟在山巔

次敬州韻二首

玉鑑冰壺一段清鐵中誰与鬪錚々眼看萬里雲霄路不信  
驂騑地下行

別我新詩有許清玉聲金韻兩鏃錚筆端定有翻三峽乞与

餘波賦贈行

次李司直韻二首

字敬子  
號宏齋

老來方欲臥林泉一躡紅塵只自憐已與山靈有成說秋風  
歸騎急如鞭

清虛絕跡竟何為自笑平生頗好之正路倘非君得似冥行  
未免用多岐

別胡仲立次敬子伯量二丈韻二首

脩水相望無百里從來人物勝西昌宏齋自是朝陽鳳伯仲  
行堪接翼翔

乾枯如我真何用謾結蒲團竹椅緣緘口向人無一語此燈  
他日遣誰傳



次余求之坐閑所賦

地僻不聞車馬鬧官閑但覺屋廬深  
掃除詩債絕無事一炷爐香觀此心

酬余求之二首

枕中久已黃梁熟鏡裏從教白髮垂  
但得漁樵分半席此生何必要人知

雨後軒窗無一塵窗前松竹更清新  
不妨踏遍莓苔地遺我青鞋有故人

餞仲庸主簿入京三首

風帆轉眼即長安好在交游半達官  
既有王陽知貢禹不妨乘興一彈冠

孤山梅蕊正開時杖屨還須訪水湄  
莫遣冰魂嘆牢落只今和靖自能詩

野梅官柳只供愁空倚鄱江百尺樓  
待倩天邊幾鴻雁為傳消息到皇州

別曹教授三首

一歲與君三別離盍簪此去定何時  
梅花未必堪相寄待倩郵筒寄小詩

從渠柳色自青青莫為行人賦渭城  
只恐南牆舊時竹誤隨風雨作灘聲

江花岸柳太多情長逐春風管送迎  
我亦思歸歸未得夜聽愁聽杜鵑聲



次吳長文見寄時有衡山之役

夜半詩成欲寄君，夢魂飛渡楚江津。  
怡怡前日如兄弟，今作東西南北人。

次吳司理見貽二絕句

朱金得喪日悲歡，內樂知誰夢見顏。  
君有上池無限水，不將涓滴到人間。

湛然曾次幸清明，忍看人間勢利輕。  
我輩相知端有道，未應膠漆付雷陳。

寄題真愛堂三首

終南佳處暫棲遲，堪笑唐朝左拾遺。  
渠但借山為捷徑，山中滋味豈曾知。

真實愛山今有誰，此心猿鶴亦難欺。  
看來恰是朱居士，不愧昌黎五字詩。

築堂誰不要看山，往來襟期了不開。  
欲識此翁高絕處，一心長在白雲間。

安樂窩三首

天闕飛來三大字，雲山留住一閑身。  
老仙駕鶴蓬萊去，丹竈而今屬後人。

孤山嘗試一登臨，歸夢紛然繞故林。  
箇是平生安樂處，清泉白石總閑心。

生來歲晚寄南牕，燕坐嘗聞御墨香。  
却笑到天亭上客，日將茗粥攪枯腸。



有感

絕勝脩竹知人意更愛雙泉不世情  
回首舊游渾似夢却因多難悟無生

三四知道音總道山荷鉏吾獨在田間  
人言病驥猶堪秣伏櫪何心十二閑

高安別蘇野塘三首

獨立每憐陶靖節北牕終日傲羲皇  
如今我亦無儕輩遠把心期付野塘

曾中泉石真成癖帝上烟雲總是詩  
分我漁舟三四箇故山歸去弄漣漪

交蓋纔傾便語離絕憐立馬送君時  
梅花未必堪相寄待倩

郵筒寄小詩

題希亮畫

晚牧歸來月在山夜深茅屋不勝寒  
栖鳥欲動催翁起快傍烟汀把釣竿

題昭君圖

紛：爭賂毛延壽今日丹青竟不傳  
萬事無過真實處後人贏得寫婁娟

題老悟畫卷四首

中興以前作山水只說李來与郭熙  
誰知淳熙有此老健筆不減巨然師

吏隱三年楚水頭每隨鳧雁棹扁舟  
歸來喜色驚鄰里分得







題瑄上人隱室

閩浙兩望兩道場上人曾炷室中香直湏了却舊公案莫向  
空山便隱藏

題破塵讀經所

試為衆生破一塵出經為筏度滄溟待藥到岸無驚畏復破  
微塵納此經

宋人字家小集抄本已收此種詩甚多相傳後世互有誤惟此乃世  
先生原本所存也另存之以備時梓時校對身 日居壬申印夏之唐祀



乾隆乙卯十月十四日王端履

